



19.november 2018

UKA2018/27

### **Inuit nappaammik eqqorneqarsimasut oqaaseqartartoqalersinnaaneratt pillugu apeqquteqaat aallaavigalugu oqallinnissamik siunnersuut.**

(Aleqa Hammond, Nunatta Qitornai)

Inuiaqatigiinni pinngitsoorsinnaanngilarput peqqinnissaqarfik pitsaasoq ingerlalluarterlu. Peqqinnissaqarfik saaffigiuminartoq, sullissilluartertoq aammalu suliarinnilluarsinnaasoq inuiaqatigiinnut toqqissisimanermik annertuumik nassataqartitsisarput atugassaqartitsisarluunilu.

Ukiuni amerlasuunngortuni peqqinnissaqarfik annertuumik upissunneqartarpoq isornartorsiorneqartarlunilu. Nakorsassaaleqineq peqqissaasussaaleqineq allatigullu ilinniarluarsimasunik amingaateqarnerujussuup ilungersunartunik atugassaqartitsigilertarpaatigut peqqinnissaqarfimmi sulingaluarutta avataaniikkaluaruttaluunniit. Peqqinnissaqarfik inuiaqatigiinni tassaavoq soorlu uummatip taqarsua inuuniarnermi pinngitsoorneqarsinnaanngitsaq.

Danmarkimi nunanilu avannarlerni nakorsassaaleqisoqartillugu imaluunniit allatigut sulisussaaleqisoqartillugu uagut nunatsinni annertuumik sulii qaavatigut eqqorneqarnerluttarpugut. Piffinni arlariinni nakorsassaqaannginnermik kinguneqartarpoq, tamannalu annertuumik naammangiannngilaq toqqissisimarnanilu. Allatut qanoq isiussaagut taava sulisussat pisiariaqartut pigilerniarut-sigit. Isumaqarpugut nunat ujaasivigisartakkatta avataanut ujaasineq sulisussarsiorneq ammaannerusariaqarippat uanilu naalagaaffeqativut suleqatigilluinnartariaqarpavut suliarortarnermut akuer-sissutit nunatsinnut atuuttut eqaannerusumik suliarisalnissaannik aaqqiissuteqarnikkut. Periarfissat allat ammaanneqarniarlik ajorseriaateqariartorneq unikaallatsinneqassapat.

Napparsimasut oqaaseqartartoqarnissaannik oqallisissiami tunngavilersuutigineqartut amerlasuutigut paasinarput. Isumaqarpugut aamma napparsimasut pisariaqartitsinermikkut annertuumik aamma inuiaqatigiinnut apuussisartut paatsoorneqarsinnaanngitsumik. Peqatigiiffitik kattuffitillu aqqtugalugit inuiaqatigiinnut akuutitsilluarterput akisussaaqataatitsisarlutillu ataatsimoorfigisartakkatsinnik. Qujanartumik. Inuiaqatigiit ima aamma amerlatiginngilagut nappaammik eqqorneqarsimasortavut tusaanatigit, killormuanilli iliuuseqarneq pitsanngorsaaneq annertoq piuarpoq.

Sullinneqarneq naammagineqanngippat aammalu passunneqarsimaneq naammagineqanngippat pisortatigoortumik maalaarsinnaasoqarnera iluaqaaq, tamassumami takutippaa 2017-mmiinnaq napparsimasunik siunnersuisarnerup kingunerisimavaa napparsimasut 500-it saaffiginnissima-

# Nunatta Qitornai

## Inatsisartuni



nerannut. Isumaqarpugut periuseq tamanna eqqortumik periusaasut, tassa siunnersuineq, kif-fartuussilluarneq aammalu siunnerfeqartumik sullissineq nappaammik eqqorneqarsimasunut pitsaerusoq.

Saaffissaq nalorninanngitsoq, siunnersorneqarneq toqqissisimanartooq aammalu katsorsarneqarneq pitsaasoq aqutissatut isigaavut.

Imminnut soorunami aperiuassuugut pissutsit taamaattuaannassappat, peqqinnissaqarfik pineqaraluarpat, inissaqarniarneq pineqaraluarpat, innuttaasunut atugassarititaasut pineqaraluar-pata. Naamik, suna tamarmik nikittaalisimasutut pissuseqarfigineqanngisaannarli ineriartortin-neqartuarlili. Piugussanngilarput ukiut tamaasa nakorsanngortorlaat angerlartartut amerliartor-mata, ukiut tamaasa niviarsiannngortut amerliartormata, kingutit nakorsanngortartut amerliartor-mata, peqqinnissaqarfimmi sullittortavut amerliartormata. Qujanarpoq pikkorissorsuarnik ilaqaratta ullumikkut peqqinnissaqarfitsinni pinngitsoorsinnaanngisavut. Soorunami kissaatigi-naqaaq nunaqavissunik amerlasoorpassuarnik peqalernissaq taarseraaneeq piunnaarluni ataavar-tumik nakorsiarfeqartarnissaq anguneqassammat. Tamanna tikitserlugu peqqinnissaqarfippat tamakkersortoq eqqaamassuarput aammalu ukiut tamaasa pitsanngorsaanernik siunertaqarlutik ulappupput. Upperaarput peqqinnissaqarfiup napparsimasunik siunnersuisarnera siunertaminut naapertuuttumik ingerlatsinerusoq taamaasilluni napparsimasooq toqqaannartumik saaffissaqar-lunilu tusaaneqarnissaminut periarfissaqarmat.

Qujanaq Jess Svane oqallisissiarlut pingaaruteqartumut.